



У ЗАЕМ

Мемнан правительстве Кумышо Вичияшлык Заемым лукмо нерген пунчалдым. Кажне пашазе, колхозник, служащий да элын вийжым ончыкыжымат пенгыдемдаш тыршыше чыла шемер-шамыч у заемым лукмо нерген правительствын пунчалжым кугу куанымаш дене вашлийт.

Капиталистический эллаште заем эксплуататор-шамычым пойдарымашке, пашазе ден кресанькым пызырашлан да у сарым ямдылашлан кая. Мемнан Совет республикыште йоршеш вес тус. Мемнан правительствын лукмо заем-шамыч калыкын интересжлан гына служитлат.

Кумышо Вичияшлык Заемым чылаже 5 миллиард тенгеаш лукталеш. Тыгак эртыше кок сталинский вичияшыкыште лукмо 25 миллиард тенге государственнй заемын оксажымат Совет правительстве элын поянлыкшым шукемдаш, калыкын илышжым адакат утларак саемдаш кучылтын. Кажне МТС-лан, школан, корнылан, больницалан, социализмын чыла пашажланат заем окса кугун полшен да полша. Мемнан Марий АССР-ын экономик ден культурностышым виягдашат калыкын заем оксажым ятыр кучылтмо. Мемнан элыште заем деч пуршо пүтын окса родинан вийжым кугемдаш да элым аралаш кугун полша. Теве молан Совет государствн заемжо кугу авторитетан.

Советский Союзын вийже кумдангеш, кушкеш да пенгыдемеш. СССР промышленный продукцияшым лукмо шотышто туняште кокымшо верым, Европышто первой верым налын шога.

Колхозный стройын сенгымашже мемнан ял озанлыкым туняште эн передовойым ыштен. Трактор, комбайн да моло турло ял озанлык машинашамыч мемнан колхоз ден совхоз пасулаште ыштыме наре нигуштат огыт ыште. 1938 ийын тунгалтышыште МТС-лаште гына 367 тужем трактор пашам ыштен. Тенийсе ийын урожайжым 125 тужем комбайн погаш тунгалеш. Кодшо ийыште мемнан эл 7 миллиард пуд наре шурным

поген. Тыгай поян урожайжым кугыжан Россий нигунамат поген огыл.

Капиталистический эллаште у кризис чаклана. Предприятийшамыч шогалыт, пасула пустангыт. 10 миллион пашадыме умбак миллион дене у пашадымешамыч ешаралтыт.

Социалистический озанлык кризисым огеш шинче. Мемнан дене пеш шукертак пашадымым пытарыме, яллаште йорлык сенгеме. Мемнан социалистический озанлык ий еда кумдангеш. У озанлык, фабрик, шахте, электростанций - шамыч кушкыт, колхоз-шамыч пенгыдемат да зажиточный лийыт. Тений 500 утла у МТС организоватлалеш. Тракторный парк 16 процентлан ешаралеш. Тыгакат комбайн 26 процентлан шукемеш.

Чыла таде кугу строительствылан пеш шуко окса кулеш. Совет правительстве тиде оксам социалистический промышленность гыч, ял озанлык гыч, транспорт гыч да торгаймаш гыч налеш. Тыгакат ик мынар оксам государственнй заем гыч налеш.

Кажне ийын пашазе, колхозник да служащий-шамычын пашадарышт кушкеш, кече еда нунын аныкышт, государственнй заемлаште участвоватлымышт ешаралеш. 50 миллион утла советский граждан-шамыч заеман улыт. Советский заем облигаций кучышо-шамычлан шагал огыл доходым пуа. Мемнан элысе шемершамыч сталинский пятилетке-шамычын ийлаште 3 миллиард тенге утла выигрыш ден процентым налын.

Шуко миллионан да шуко национальностян советский калык Верховный Советлашке сайлыме годым кугу организованностым, партий ден правительствылан мучашдымын преданностым ончыктышт.

Мутат уке, у зайомлан подписке ыштымаштат шемеркалыкшкенжын чапшым ончыкта.

Комсомолец-шамыч яллаште колхозник ден единоличник кресаньк коклаште, чодыраште да предприятиялаште заемын кугу пайдаже нерген кумда умландарымашым ыштышаш улыт.

У заемлан подпискым ыштат

„Сенькан“ колхозышто (Йошкар-Ола район, Павловский ял совет) 1 июльышто активын совещаньже эртыш. Совещане Кумышо Вичияш Государственный Заем лукмо нерген уверым колыштмек, тунам у заемлан подпискым

ышташ тунале. Тиде совещаньыште чылаже 680 тенгеаш подписке погынш. Кажне подписатлыше еник тылзаш доход суммалан подписатлыш. 68 ияш колхозник Казаринов 50 тенгеаш у заемлан подпискым ыштен.

Кумышо Вичияш Государственный Заемым
(первой ий выпуск) лукмо нерген
ССР Ушем Калык Комиссар-шамыч
Советын пунчалже

Калыкын кушшо сбереженийжым кумышо вичияш планын озанлык-культур строительстве задачыжым шуктымашке да элын обороныжым умбакыже пенгыдемдаш кўлмашке шупшылашлан лийын, ССР Ушем Калык Комиссар-шамыч Совет, шемер-шамычын пеш шуко пожеланийыштан келшышын, пунчалеш:

1. Кумышо Вичияш Государственный Заемым (первой ий выпуск) 5 миллиард тенгеашым лукташ.

2. Заемым 20 ий сроклан—1938 ий 1 декабрь гыч 1958 ий 1 декабрь марте, талукеш 4 процент гыч, лукташ.

3. Заем облигацийым да тудын деч доходым, тиде шотыштак выигрышым, государственнй ден местный налог да сбор дене облагатлыме деч утараш.

4. СССР финансе калык комиссариатын пуымо Кумышо Вичияш Государственный Заемым (первой ий выпуск) Условийым пенгыдемдаш.

ССР Ушем Калык Комиссар шамыч Совет
Председатель—В. МОЛОТОВ.

ССР Ушем СНК дела Управляющий—
Н. ПЕТРУНИЧЕВ.

Москва, Кремль. 1938 ий 1 июль.

СПАССК ГЫЧ, 28. VI. 38 ИЙ.

Москва, Кремль

СТАЛИН, МОЛОТОВ, КАГАНОВИЧ,
ВОРОШИЛОВ, ЕЖОВ йолташ-
шамычлан

Москва—Владивосток перелет ик суткаште шукталтын.

Летчик КОККИНАКИ.
Штурман БРЯНДИНСКИЙ.

ВЛАДИВОСТОК

В. КОККИНАКИ, А. БРЯНДИНСКИЙ
йолташ-шамычлан

Правительственный заданым чаплын шуктымо дене тендам шокшын саламлена. 7600 утла километр пеш нелэ корным 24 шагата 36 минутышто леведше Москва—Хабаровск—Владивосток район героический перелет советский ден мировой авиацийын историйышкыже у чапле страницым возен пурта.

Совет Ушем шемер-шамыч тендан сенгымашда дене кугешнат.

Тендам ондалына да тендан киддам кормыштена.

И. Сталин	А. Андреев
В. Молотов	А. Жданов
К. Ворошилов	Н. Ежов
М. Калинин	Н. Хрущев
Л. Каганович	М. Каганович
А. Микоян	А. Локтионов

У ЗАЕМЫМ КУАНАН НАЛЫТ

Йошкар-Ола типографийсе пашазе ден служащий-шамыч Кумышо Вичияш (первой ий выпуск) заемлан подпискым куанен ыштат. 2 июль 12 час мартен ти пографий мучко 23 тужем тенгеаш подпискым погым. Посна пашазе-стахановец-шамыч тылзаш паша-

дарлан подпискым ыштат. Теве: Деев—400, Бахтин—360, Николаев—300, Борисова—200, Парфенова—185 тенге гыч подпискым ыштеныт, тыгак моло пашазе-шамычат у заемым куанен налыт.

Подписке погымаш виян кая. Мих. В.

Москва—Хабаровск—
Владивосток район
беспосадочный
перелетым
организоватлыме
шотышто правительствен-
ный комиссийн
увертарымыже

27 июнь 8 шагата 36 минутышто Щелковский аэродром гыч (Москва ола лишне) Москва—Хабаровск—Владивосток район маршрут дене беспосадочный перелетыш чонештен лектын кайше летчик В. К. Коккинаки ден штурман А. М. Бряндинский составан экипаж конструктор С. В. Ильюшинын кок моторан „Москва“ самолетшо дене шындыме заданым чаплын шуктен. Московский жап дене 28 июнь 9 шагата 12 минутышто Владивосток деч 155 километрште улшо Спасскыш благополучно волен шинчын.

Москва—Хабаровск да умбакыжым Спасскыште волен шичме вер марте юж корно кужыт—тура 6.850 километр. Чынжым 24 шагата 36 минутышто 7600 утла километр шагатыште 307 километр кокла скоростью дене эртыме. Чонештымаш Москва—Киров—Чердын—Ванава—Бодайбо—Зея—Хабаровск да умбакыже Владивосток районышто тура линый дене эртен.

Чонештыме корно исследоватлыдыме вер дене, тундра ден тайга умбалне эртен. Чонештымаш моткоч нелэ метеорологический условияште ышталтын. Пүтын корно мучко мландым 1000 километр кужытышто велэ ужын, моло корножо пыл шенгелне да пыл коклаште эртен. Чонештыме кужыт 30 деч 7 тужем метр марте лийын. Хабаровск дек чакемме годым „Москва“ самолет куатле кудырчан йур фронтим вашлийын, пыл мланде марте шуын. Курыкан условияште пыл гыч лекташ лийдыме лийын. Кудырчан йур фронтим коран каен, экипаж тенгыз сер дек лектын, тушто пыл вошт лектын да палемдыме маршрут дене умбакыже чонештен, шичмеке самолетын, материальный ужашыже тичмаш исправностышто. Самолетын бакылаштыже але 500 килограмм горючий кодын. Отважный летчик—шамычын самочувствийыш сай.

„Москва“ самолетын героический экипажше советский ден мировой авиацийын историйышкыже чапле страницым возен пуртен.

Правительственный
Комиссий.

Ал. Соколов.

ТИМОЕВ САЙ ПРОПАГАНДИСТ

Тимоевым Морко районшто шукожо палат, тудо „Пайгатнур“ колхоз пеленсе комсомольский комитет секретарлан пашам ышта. Комсомольский организаций сайлаш ямдылалтме жапыште пеш кугу полшыш.

Чыла избиратель-шамычлан избирательный законным комсомолец-шамыч тунуктенят. Комсомолец агитатор-шамыч Тимоев, Меньшаков, Суворов избирательный закон тунуктымаште пашам ыштеныт.

Кызыт комсомольский комитет уборкылан виян ямдылалтеш. Түредме, шудо солымо машина ремонттироватлым тергаш „куштылго кавалерийым“ ыштыме.

Тидын дене пырля Тимоев йолташ комсомолец-шамыч дене политучебым эртарат. Политучебышто „Наша родина“ да „СССР и капиталистические страны“ кнага почеш заняти-йым эртарат. Заняти-йыште учебный наглядный пособийым кучылтеш. Тимоев Морко районшто сай пропагандистлан шотлалтеш.

Николаев А. Н.

Политучебо ок эртаралт

„Вуртем“ колхозышто (Морко район) первичный комсомольский организаций почылтмылан 3 тылзе лиеш гынат, алье марте ик канат политзанятий ли-йын огыл. Санденак комсомолец-шамыч политикым шагал шинчат. Тидым ВЛКСМ Морко райком пала гынат, политзанятий эртарымаште нимогай полышым ок пу. Микуш.

Г. И. КОНДРАТЬЕВ

ВЛКСМ Обком секретарь

Эрыкан Марий АССР-ын молодежшо

Мемнан Марий АССР-се молодежь чыла шемер калык дене пырля 26-шо июнь — РСФСР ден Марий АССР Верховный Советыш сайлымашым кугу политический йолталташ дене вашле. 1938 ий 26 июнь кече марий калыкын историйыш кыже кугу пайрем лийын шортынь буква дене возалтеш.

Ленин-Сталин вуйлатыме почеш русский пашазын полшымыжо дене 20 ий ожно уло калык дене пырля капиталистический эксплуатацийым сүмырышт, кугужан палач ден чиновник-шамычын пызырымашышты гыч утлышт. 17 ий ожно Ленин-Сталин гений дене, партий да пашазе классын воляшт дене, Великий Октябрьский Социалистический Революцийын икшывыжым — Марий Автономный областым образоватлым.

Сталинский Конституций почеш Марий областым Марий Автоном Социалистический Республикыш савырыме.

Мемнан кугу Социалистический родинын виян калыкше ден пырля Марий АССР-се шемер - шамычат зажиточный да культурный илышым сенымаш дене строитлат. 17 ий жапыште мемнан республикыште сенымашым ышты-маш—тиде Ленин - Сталин национальный политикын торжествожо. Марий республикысе колхоз пасулаште шудо дене трактор-шамыч, лу дене комбайн-шамыч да моло турло ял озанлык машина-шамыч пашам ыштат. Мемнан республикыште ятыр фабрик ден завод-шамычын кугу туныкышт кушко йолталтын, патырланен шога. Волга энгерын силне серыш

тыже кугу Гигант—Марбумкомбинат кушкын да кушкеш.

Марий АССР-се молодежь республикысе чыла калык озанлык отраслыште шкенжын способностышым применитлаш эрыкан. Чыла удыр-рвезе-шамыч тунемат, пашам ыштат да канат, общечеловеческий культурын кукшытышкыж да каят. Мемнан республикыште кум высший учебный заведений уло, 496 тунгалтыш школышто чылаже 43 тужем 990 йоча-шамыч тунемат. Мемнан 141 пелз кыдалаш школна, 24 кыдалаш школна уло, тушто чылаже 38 тужем 68 ученик тунемеш.

Марий республикысе Ленинский комсомолын 17 тужеман армийже элын чыла политический, озанлык да культур пашаштыже активне участвоватла. Комсомол социалистический строительствын турло участкылаштыже ответственный пашам ыштыше ятыр ег-шамычым куштен. Тений 6 тылзе жапыште мемнан республикысе комсомол организаций - шамыч партийный, советский да озанлык-кооперативный па-

шаш 968 комсомолцым выдвигатленят. Комсомол большевистский партийлан мучашдымын преданне улмыж дене калыкын ушанымыжым заслужитлен. Тидым эртыше избирательный кампаний раш ончыкта. РСФСР ден Марий АССР Верховный Совет депутат - шамыч кокла гыч ныл ужашыже самырык депутат улит, нунын коклаште 21 енге комсомолец.

Депутат коклаште У Торъял районысо самырык стахановка - животноводка Нюра Пивоварова, стахановка-трактористка Попова Мария, Афанасьева Мария, Марий-Турек районысо „У вий“ колхозын бригадирже Мамаева Мария, Марбумкомбинатысе комсомольский комитет секретарь Костин да молат улит.

Избирательный кампаний годым комсомол ден молодежь мемнан партийлан активне полшыныт. 420 комсомолец утла избирательный участкылаште пашам ыштеныт, ты шот гыч агитаторлан 2163 ег, лудшо ден беседчиклан 1254 ег ыштеныт. Окружной ден участковый избира-

тельный комиссийлаште 732 ег, агитколлектив составыште—129 ег пашам ыштеныт. Тыге шудо дене комсомолец-шамыч коммунист ден беспартийный сталинский блокын агитаторжо лийныт.

Комсомолец агитатор Петяков йолташ (Ошла прорабпункт, Йошкар-Ола район) избирательный закон тунемме кружокышто пашам эреак ыштен шоген. Ронго районысо „Йошкар кече“ колхозышто Таныгин йолташ, „Азнуур“ колхозышто Козырев йолташ, Куженер районысо Сталин лум колхоз пеленсе первичный комсомольский организаций секретарь Куллин йолташ да молат агитаторлан пашам моштен ыштеныт. Нине йолташ-шамыч избирательный законным тунемме да Верховный Совет депутатыш кандидат - шамычын илышыштым тунемме ден пырля Испанийысе, Китайысе да Чехословакийысе событийым умыландарен шоленыт.

Мемнан молодежь шке родинжым чот йбратат. Ме, самырык патриот - шамыч шкенан элнам чаплын ара-лаш ямде улына.



ВЛКСМ Обком пеленсе пропагандистский курсым тунем пытарыше-шамыч.

РСФСР ВЕРХОВНЫЙ СОВЕТЫШ САЙЛЫМЫН ОБЩИЙ ИТОГШО НЕРГЕН ЦЕНТРАЛЬНЫЙ ИЗБИРАТЕЛЬНЫЙ КОМИССИЙЫН УВЕРТАРЫМЫЖЕ

РСФСР мучко 93.927 избирательный участке да РСФСР Верховный Советыш сайлышашлан 727 избирательный округ уло.

Сайлымаш 1938 ий 26 июньшто эрдене 6 шагат гыч йудым 12 шагат марте ли-йын. 27 июнь йудым 12 шагатлан окружной избирательный комиссий-шамыч РСФСР Верховный Советыш чыла 727 депутат сайлымым регистрироватленят. Сайлыме чыла депутат-шамыч коммунист ден беспартийне - шамыч блокын кандидатышт улит.

Центральный избирательный комиссийыш чыла 727 избирательный округ деч голосованын итогшо нерген данный-шамыч пуренят.

Ятыр утларак торасе участке - шамычым шотлаш огыл гын, голосованыште участвоватлыше избиратель-шамыч шотым шотла-маш тун шотышто пытен.

РСФСР мучко РСФСР Верховный Советыш сайлымаште йук праван 60.368.858 егым регистрироватлыме ыле. Голосованым шотлымаш результат-

ше-шамыч ончыктат: тынар избиратель гыч голосованыште 59.936.715 ег участвоватлен, тидыже йук праван граждан-шамыч общий шот гыч 99,3 процент лиеш.

РСФСР Верховный Советыш сайлышашлан чыла избирательный округышто коммунист ден беспартийне-шамыч блокын кандидатышт верч 59.542.993 ег голосоватлен, тидыже голосованыште участвоватлыше избиратель - шамыч чумыр шот гыч 99,3 процент лиеш.

„РСФСР Верховный Советыш сайлыме нерген Положенын“ 80 статьяже почеш недействительный-лан шотлымо бюллетень 73.226 ыле. Кандидат-шамычын фамилийыштым удиралман бюллетень 320.496.

РСФСР Верховный Советыш 727 сайлыме депутатше гыч—568 коммунист да 159 беспартийный. Удрамда депутат—157.

РСФСР Верховный Советыш сайлышашлан Центральный избирательный комиссий. 1938 ий 27 июнь.

Комсомолец-шамыч, фотоальбомым ышташ полшыза

5 июль кечын мемнан пеледше родинан пиялан йочаже-шамыч шке родиныштан чапле подаркым ямдылат. Тиде кечым ваш лияш Йошкар-Оласе „Пионер пöртысö“ пионер-шамычат ямдылалташ тунгалыныт. Нуно совет йоча-шамычын пиялан, весела илышыштым ончыктышо фотоальбомым ямдылат. Альбомлан снимкым ышты-маш чыла вереат ик кечыште каныш годым эртаралтеш. Альбомлан йоча-шамычын канышышт гыч чыла моментат налалтеш.

Кажне технический станций, пионер пöрт, колхоз йоча пöртысö да посна фотолюбитель-шамыч иктым але икмынар фото суретым пуат. Чыла нунын пумо суретыштым иктыш поген фотоальбом ышталтеш.

Фото снимке-шамычым ыштымаште тыгай условиям шекланыман: снимкын размерже 18X24 але 9X12 нимогай амыртымаш деч посна, лиш гын—матовый кнагаш печатлыме лийман.

Кажне снимке пелен тыгай сведене лийман: снимке авторын фамилий, лум да ачажын лумжö, снимке ыштымын верже, могай момент. Чыла снимкым заказной письмашан республиканский йоча технический станцийыш (Йошкар-Ола, Волков урем, 83 №-ан пöрт) 10 июль деч вара огыл колтыман: ик экземплярже комсомолын XX ий темме юбилейже кечын ВЛКСМ ЦК-лан пуалтеш, весыже Марийский ВЛКСМ Обком-лан пуаш альбомлан кодалтеш.

Альбомлан снимке ыштымаште комсомольский организаций, йоча-технический станций-шамыч активнын полшышаш улыт.

Зайцев.

Республиканский ДТС пеленсе фотолабораторийын вуйлатышыже.

Политик тунеммашым кұшыл верыш

29—30 июньышто ВЛКСМ Маробкомышто, ВЛКСМ райком политучебо отдел вуйлатыше-шамычын совещане эртыш. Совещаньыште политучебо отдел вуйлатыше-шамычын комсомол ден несоюзный молодежь коклаште политический тунеммаш нерген отчетым колыштво. Отчет гыч раш койо: посна ВЛКСМ райком секретарь ден политучебо отдел вуйлатыше-шамыч: Кырык-Марий-Алатов ден Садков, Морко—Петров ден Илларионов, Куженгер—Морозов ден Паймаков кұлеш семын политучебо пашам вуйлатен огыт шого. Теве Кырык-Марий районышто 5 тылзе коклаште пропсеминарым ик канат эртарыме огыл. Июнь тылзыште 44 политшколышто ик занятиымат эртарыме огыл.

Тугак ВЛКСМ Морко райкомышто июнь тылзыште 41 политшколышто занематлен огытыл, а тужечын таче кече марте 16 пропагандистше огеш сите. Пропагандистлан райкомол секретарь Петров больница пелен политграмот кружокышто пашам ышта. ВЛКСМ райком секретарь Петровлан моло пропагандистлан пример ончыктымолмеш

шкежат пеш чұккыдын занятиым кұрлын.

ВЛКСМ райком бюрошто пропагандист ден секретарь комсомольский организаций-шамычын пашашт нерген пеш шуэн колышталтеш. Нине ВЛКСМ райком пашаен-шамычын ышкеныштынак але вуйыштышт комсомольский политучебым кенжеж годым сезонность лийман шонымашышт кодын. Тиде сезонностьым кызытак пытарыман.

ВЛКСМ ЦК ончыктымолмеш ик районыштат семинар ок эртаралт. Шуко вере пропсеминар эртарымашым совещаньыш савыреныт.

Посна ВКП(б) райком-шамыч: Морко, Шернур, Кырык-Марий, комсомольский организацийлан политический пашам кұшыл верыш шындаш пеш начарын полшен шогат.

Лекций, пропсеминарлан колтым оксам огыт кучылт. Теве, Кырык-Марий, Шернур да молат, ВЛКСМ райком-шамыч ик темгемат лекций, пропсеминар эртараш кучылтын огытыл.

Ятыр жап калык тушман—буржуазный националист кашак комсомольский организацийын руководствыш шенгын пурен, пропаган-

дистлан логалын, политик тунеммашым развалитлен шогеныт. (Фарбер, Дубровин Йошкар-Ола). Кызытат але калык тушман кашак йöршын вож гычак пытарыме огыт ул. Сандене але йотке посна комсомольский организацийыште эн ончычак политический учебым развалитлаш төчен шогат. Калык тушман кашакын, вредительствын последствийым але йотке посна районышто: Морко, Куженгер, Кырык-Марий пеш эркын пытарен шогат.

Совещаньыште ВЛКСМ райком-шамыч дене эн ончычак политучебо отдел вуйлатыше-шамыч ончылан комсомол дене несоюзный молодежь коклаште политический учебым решительне саемдымаш нерген, ВЛКСМ Обком задачым шынден. Тидын дене совещане петырныш.

ВЛКСМ райком секретарь да политучебо отдел вуйлатыше-шамычын задачышт, совещаньыште пумо указанийым, чыла пропагандист, комитет да первичный комсомольский организаций секретарь-шамыч дек шуктен, политический учебым паша дене саемдаш конкретне пижман.

Г. М.

ПОЛИТЗАНИТИЙ ОГЕШ ЭРТАРАЛТ

„У пасу“ колхоз пеленсе первичный комсомольский организацийыште (Шернур район) массово-политический паша огеш ышталт. Политучебо комсомолец-шамычын политический шинчымашыштын нолталмашыште тунг задачылан шотлалтеш. Но тиде комсомольский организацийыште тылзе жапыште ик политзанятиймат эртарыме огыл. Комсомольский собраний кварталлан ик кана велө лиш, но тудыжат ямдылалтде эртаралтен. Несоюзный молодежь ден нимогай пашат огеш ыш-

талт. Комсорг Шарабуев йолташ кұлеш семын пашашке пижын огыл. Шернур ВЛКСМ райкомлан кызытак тиде организацийлан полшышым пуман.

Н. Ломбер ден комсомолец.

Тугак „Тунгалтыш“, „Йошкар кече“ да Чапаев лум колхоз пеленсе первичный комсомольский организацийлаште (Ронго район) политучебым монденыт. Май тылзе деч вара ик политзанятийат лийын огыл. Комсомольский собраний пеш шуэн да нимо-

гай критик деч посна эрта. А собранышке 50 проц. велө толыт. Несоюзный молодежь дене паша йöршеш огеш ышталт. Садланак вет 3 тылзе коклаште комсомольский организаций-шамыч кушкын огытыл. Теве „Тунгалтыш“ колхоз пеленсе комсомольский организацийыш Писарев йолташ комсомолыш пураш йодмашым пуан, но тудын йодмашыжым тылзе утла ончыде киктат.

Тидын нерген ВЛКСМ Ронго райком раш шинча гынат, нимогай мерым ыштен огыл. Рябинин.

ПЕЛЕДАЛТШЕ УЖАР ОЛЫКЫШТО

30-шо июнь. Игече мотор. Йошкар-Оласе пиялан рвезе, удыр-шамыч пайрем вургемым чиен, ужар олыкыш погыненыт. Олыксылне, йыр-ваш пеледыш. Ломберыште турло-турло кайык-шамыч илышын сылнылыкым моктен мурат. Кайык мурмо йук гаяк молодежь-шамычын мурмо йукушт чодра мучко йонгалтеш.

Оркестр вальсым шокта. Оркестрын муржо почеш пиялан рвезе ден удыр-шамыч парын-парын кидым ваш кучен ласкан гыва пöртыт. Нуно вальсым тансоватлат.

Теве тансовальный площадь деч изишак öрдыштырак ломбер воктене ик тушка волейбол дене модеш. Шукожо чодра воктене РСФСР ден Марий АССР Верховный Советлаш сайлымышт нерген, тунемме ийым пытарме нерген да тулеч молымат куанен кутырен коштыт. Йыр-ваш сылне, куанымаш да пиял!

Тыгай сай гуляне эн первой митинге ыштыме дене почылто. Митингым ВЛКСМ Йошкар-Ола горком секретарь Меледин йолташ почын. Митингыште гуляныш толшо молодежь-шамычым саламлаш первой мутым Марпединститутын выпускник-отличникше Дожиков йолташ налеш. Тудо мемнан социалистический элысе молодежын чапле илышыже, пиялже нерген, наукам кугу эрыкше дене тунеммыже нерген куанен каласкалыш. Дожиков йолташ почеш Коротков (марпедрабфак), Игумнов (комвуз), Бригин (пелө кыдалаш ден кыдалаш школ профсоюз гыч) йолташымт молодежым куанен саламлышт.

Пеледалтше ужар олыкышто молодежний гуляне кас мартен лийын. Тыге мемнан молодежь сайын, культурно канаш кугу праван.

Ив. Луй.

Осоавиахим лагерь.

ФУТБОЛ

26 июньышто „Кугу-Нур“ колхоз ден „Патыр“ колхозын валебольный встречышт лие.

„Кугу-Нур“ колхозысо команде сай модо. „Патыр“ колхоз командым 10:0 счет ден сенгыш.

Тиде кечыштак „Кугу-Нур“ колхозысо 1-ше да 2-шо бригаде дене футбольный встречышт лие. Модмаш 1 бригаде 2-шо бригадым 2:0 счет ден сенгыш.

Кызытсе „Кугу-Нур“ колхоз команде Морко райцентр сборный команде дене модаш ямдылалтеш.

Майский йыван.

Отв. редактор—
Г. М. ЭРСКИЙ.



30 июнь кечын осоавиахим лагерьыште Йошкар-Оласе молодежь-шамычын РСФСР ден Марий АССР Верховный Советлаш сайлыме итог да тунемме ий пытыме лумеш массовый гуляне лийын. СҮРЕТЫШТЕ: гуляне годым. Фото Овечкинын.